

## Kolike su obaveze općina u BiH: Banja Luka najveći dužnik

19/04/2011 21:11 by Administrator

U FBiH najzaduženiji Bihać â€¢ Nikakvih kreditnih obaveza u RS nemaju Trnovo, Krupa na Uni, Jezero, Å ekovići, Rudo...

Kreditna zaduženja općina u BiH mjere se milionima maraka, no one u RS su znatno zaduženije nego u Federaciji BiH.

Tako u većem entitetu prvo mjesto po zaduženosti drži Bihać, sa oko 10 miliona KM kreditnih obaveza. Na drugom mjestu nalaze se Grude, Posušje, Kiseljak i Livno, a svaka od njih ima više od četiri miliona KM duga.

Banja Luka je najzaduženija općina u RS, a njene kreditne obaveze na kraju prošle godine iznosile su 76,4 miliona KM.

Prema podacima Ministarstva finansija RS, ukupna zaduženost općina u RS iznosi 290,4 miliona maraka, a poslije Banje Luke slijede Bijeljina, s kreditnim obavezama koje iznose 35,6 miliona KM, te Prijedor sa 30,2 miliona KM i Doboj s kreditnim zaduženjem od 15,3 miliona KM.

Među onima koje nemaju nikakvih kreditnih obaveza u RS su Trnovo, Krupa na Uni, Jezero, Å ekovići, Rudo i još nekoliko manjih općina.

Prema ocjeni predsjednika Centra za humanu politiku iz Doboja, neracionalno uzimanje i trošenje kreditnih sredstava je problem ne samo općinskih nego svih nivoa vlasti u BiH.

- BiH javne potrebe može finansirati iz nenaplaćenih potraživanja ukoliko bi iskoristila sve mehanizme da ih naplati. Ona iznose oko četiri milijarde maraka. Drugi problem mnogih lokalnih općina jeste što se ponašaju rasipnički i kreditna sredstva troše za finansiranje budžetskih deficita - objasnio je predsjednik ovog centra Momir Dejanović.

Dug ne može vratiti ni unuci

Općina Doboj, koja trenutno otplaćuje sedam kredita, krajem februara donijela je odluku da se zaduži za dodatnih 4,6 miliona KM za servisiranje kumulativnog deficita u budžetu, dok su gradske vlasti u Banjoj Luci odlučile da se u 2011. godini zaduže za još 6,1 milion KM, a već krajem marta na skupštini su donijele odluku o dodatnih 1,3 miliona KM kredita.

- Banja Luka je već sada prezadužena, a uz nove kredite koje općina traži, te iznose ne može vratiti ni nađi unuci - stav je gradskih odbornika PDP-a u banjalučkoj Gradskoj skupštini.

Dugovanja u brojkama

76,4  
miliona KM Banja Luka

35,6  
miliona KM Bijeljina

30,2  
miliona KM Prijedor

---

10  
miliona KM Bihać

Izvor vijesti: Dnevni Avaz